



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1566 usque ad annum 1572

Fleury, Claude

August. Vind. [u.a.], 1772

VD18 90118634

§. 3. Perduellionis pœnam incurrisse declarati.

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

Sæcul. XVI.
A. C. 1568.

§. III.

*Perduellionis pœnam incurrisse
declarati.*

*Strada l. 7.
Grotius An-
nal. de reb.
Belg. l. 2.
pag. 29.*

Ceterum ambo ab illo temporis articulo longe tutius fore ducebant, si causam suam absentes, non vero præsentes tuerentur: prius tamen Oranium Princeps datis ad Maximilianum Cæsarem literis ejus, necnon Germanicæ Principum præsidium implorabat, eo fine, ut hi sua auctoritate Albæ Ducem ad componendam hanc litem inducere vellent: enimvero Cæsar, ac Principes suum Belgis præsidium minime denegabant, respondit tamen Albæ Dux, quod nihil ex propria sua voluntate, sed cuncta ex Regis jussu egisset, ac proin, quamprimum tempus, intra quod comparere jussi essent, exspirasset, mox juxta potestatem sibi a Rege concessam declaraturus esset, quod Oranium Princeps, Ludovicus Nassovius ejus Frater, Culeburgicus Comes, omnesque alii antea citati læsæ Majestatis crimen incurrerint, eorumque bona proscripta censeantur. Eodem etiam tempore Dux Bredam urbem Oranii Principis imperio obnoxiam Hispano præsidio muniebat, Guilielmum vero natu majorem ejus Filium nonnisi tredecim annos natum a Lovaniensi Uni-

versitate, ubi studiis vacabat, evocavit, eumque primo Antverpam, & postea in Hispaniam misit, ubi diu, nullatenus tamen tanquam captivus, morabatur, cum, prout obtendebatur, illum Religionis Catholicæ præceptis imbui necessarium esset.

Sæcul. XVI.
A.C. 1568.

§. IV.

Culeburgici Comitis ædes Albani Ducis jussu solo æquatæ.

Culeburgici Comitis poena usque ad ipsius Palatium extendebatur: illud enim, cum in eo Albæ Dux Bruxellas veniens diversaretur, die vigesima octava Maji funditus excindi jussit, eoquod istud quondam Geuisii nominis natalis domus fuisset: porro illius excidium erat decretum a duodecim-virali Concilio. Postmodum in loco, in quo antea hoc palatium exstructum erat, lapidibus sternebatur excitata ibidem marmorea columna, cui in basi hæc quatuor linguarum inscriptio insculpta legebatur: „*Ea in area ædes Florentii Pallantii solo æquatæ sunt, ob execrandam memoriam repetitæ in illis conjurationis adversus Religionem, Ecclesiam Catholicam Romanam, Regiam Majestatem, ac patrias Regiones.*„ Verum majorem adhuc populis terrorem incussit fama, qua nuntiatum, quod Montinii Baro ab

Strada l. 7.
Thuan. l. c.